

李七翁者常釋公所書字一日問公求字公書是非二字作是輩如此書李莫能曉有許道士曰公以爾所釋字少是多非也公笑陳七翁者亦常解公字一日侍公側公以片紙與之書過度三界字陳大喜謂經之下文云位登仙翁也有道人薛谷曰此非吉也谷是有病鶴在庭下公祝之曰過度三界誦之數遍鶴數日死未幾陳果卒

姜堰催綱司將枝沈福船聖初得渭州方士張子臯符水絕粒近兩月來見公公書以其尚食稅之多七字與之公意戒其絕粒爾沈不悟月餘而死

袁承議符赴通州海門寧家見公符自烹茶一盞奉公公飲一呷即授與符曰爾等一切喫喫了安樂符未喫聞道正來揖符即授與妻兒等適飲及歸船家人問曰適仙生令一切喫茶獨知縣不飲何也符方省不曾飲亦不介意至海門卒舉家飲茶者皆安紹聖甲戌天慶作上元醮三夕十六日齋畢道士王善祥等在醮器庫跡滌見一人形貌

磊落衣布袍至庫前長揖善祥等皆不介意既去公至問曰何不請道人喫茶善祥曰為忙公咄之曰此呂公訪我耳善祥追之不及信州竹宗隱求字卜出家公書三界五帝字曰可往真州遂投儀真觀後過試經得帝列

二字經頭是年試中枝戴蓋所挑經頭上則三界五帝下則列言上清

四明舉子秦生累舉不第問公公曰若見張果老乘鐵船過海即過省也後免解赴省試在景德寺坐間見壁畫在後視之其畫如公所言者是年擢第

道士劉守寧募緣鑄鐘問何日可成公云三火方得已而再鑄不就復問公公云須是通州遂往靜海得張治子者欲鼓鑪問忽見公來眾欣然迎之輒不復見遂一鑄而成

虛靜沖和先生徐神翁語錄卷上

虛靜沖和先生徐神翁語錄卷下 序五

公有紹聖乙亥九月且高戶不出不飲不食道泉叩戶寂無音響十一月七日郡守陸農師至令道正擊戶有頃聞聲欸之音陸呼曰佃在此久矣士民自公不出憂惶頗甚遂出相見陸問之公曰作少緣事故爾數日有人獻紫花石柱四

公初閉戶未出道正許守節亦扣戶拜請公既出謂陸守曰侍郎此人難教化也遽索酒陸守疑其素不飲令索之必有謂亟取酒至公亦不飲乃曰此壞人之物也陸云在神公莫不然否公曰也則不得此與財無異至此不戒是難教化也蓋專以戒守節耳又素紙筆寫云或先品空二字守信生多吉難感謝秦州許壽澄提携向去不得野進退艱難遂髮虔心追薦先亡父遠紹聖二年十一月初七日為撥共五十二字授與守節曰今日使得後數日復取去皆莫能曉先是元祐末重建三清殿公謂守節曰爾可退却名目將衣鉢盡施造殿守節不從至此又戒之亦不

悟明年十一月初七日守節死

姜堰兵于王立病將死其妻入郡市喪具避迨鄰媪李氏同見公公云王家計却是李家底及歸王立病愈而李氏子亡遂以王氏棺殮之

王惠問公擇日種早稻公云六月初二日好道衆云莫大晚否惠信受有素遂歸俟之會歲旱先種者皆槁五月末得雨遂以六月二日種所收倍於常年

海門程元以大銀爐施公公叱之曰豈不誤他和尚元再三乞留公不納元退與道士言初作此爐欲往泗上施僧加大士今報以施公故有是語也即復見公公云爾不須見我且與傑老一處說話元歸至家病死元有長子名元曾字孝傑死未葬父子同室殯厝

韓舜言有二子同染疫問公公書生字舜言大喜後一子亡一子愈李八師釋之曰病愈者必丑生字從牛從一也舜言云然淮陽軍村居常清富於財境有山西接符離石礦甚多不入用一日有老父扣門見之云

此山有錦石汝能取施泰州天慶觀結大勝緣否清笑曰此山安得錦石耶老父云爾取之勿疑遠矣老父所在語其妻曹氏云爾試鑿之果有石紋如紫錦清夫婦來見公即所見老父也未語問公書化生諸天授之清與

妻拜公曰未曾化得一物何拜清曰欲化何物公曰石條石柱清遂還淮陽取之不逾年而就泛海而來遇暴風雨舟人不能措手清呼公護持忽大暗露電光中若見神物擘舟甚速胡日風止已達海門入江至崇墟清先來見公公曰路中驚怖不易若不然不如此速也

宣德郎取純欲與長子娶婦累問不答一日書角引二字且云與爾祖母同後娶通州張氏其祖母亦張氏也

釋譚永住揚州石塔退院歸天台別公公書香字授之後至四明住香山
大資張遠明除帥揚州未視事請公公取紙大書一亡字傍作四十九點遠明至揚州未踰月而薨其季歲後四十九日亦卒

江東巨商李氏見公公汲水飲之數盃李辭以不能多飲公云彼飲一江水汝乃不能飲數盃耶李愧謝乞作大齋願以滌前過公許之李昔與一商共泛江利其厚貨至中流醉墜於江

進士陳護有女子十五歲拜香於公前公兩喘其頭後欲嚙之女號懼而逃是夜自縊死詰旦護問公公云此女為宿冤所纏吾欲三嚙之汝女自逃吾知不免矣汝驗其繩可見也護歸驗之則所縊之繩三股中斷惟一股存

左丞陸養師守秦見得報除曾子開為代而陸未有新命疑而問公公云陸侍郎替曾侍郎曾侍郎替陸侍郎陸云某在金陵嘗與曾侍郎為代公言如初又云海上好守官經旬

日報除海州其後子開自秦移海又相為代陸嘗刺奏於朝問公公書鄭守復云鄭守加手為甚字陸云擲守公云擲了也陸憂之公云過三年後却不擲了及離海陵日別公云此去如何公云道來多也某又貴也後自海

移蔡未幾被召遂除丞轄蓋前所陳不下至是獲伸故大用始驗三年之語陸又嘗得負天擔石四字乃執政之驗

陸在朝遣人求字公書終老二字後守亳州老君祠在焉陸既感疾復遣人問公得上三十二凡五字又云下而二字做得天字左丞也不須使人字也竟幾于毫乃三月二十一日

林靈噩紹聖中求字得林下人三字政和初自楚州應詔

天慶重建三清殿上梁道東白公公云上了。下下了上已而陸侍郎至仰視梁記乃書道正勸緣陸曰神公之力他人何與亟令下之別書神公姓名而後上焉眾謂公言應矣其後改仙源萬壽宮別建三清殿以舊殿為講堂遂下殿牌而立堂顯政和成復以講堂為殿奉安聖祖又下堂額而立殿牌道士闕若拙往山陽省親別公公書去野二字至山陽而亡周稚妻張氏病書妻生月求字張六月生公

於六字下添十字張竟不起

沈侍郎錫嘗求字云願示平生休咎公書侍經五帝且云向上去不得也侍字作三重人其後子昭為侍郎兼侍講又兼侍讀遂出領郡子昭服金石藥獨喜飲水不能乾食作書

問公欲進少乾食以自養方待報間一夕夢公以蒸餅令食再三不能嚙公云汝強食之僅食其半却日遂能食乾物

偁光順每見公公云爾在城後住何不移居城東凡三四年但云力未能動公怒之光順即問公擇日公曰五月五日好後因大水遷居乃五月五日又為其子娶婦來問公公云八家都上燈惟爾家不上燈遂用未上燈時納婦時里巷娶婦者九歲餘八家皆有事故惟光順家無恙

光順女七歲得驚疾見公公曰速問戴道士見陳秀才光順問之戴云吾無藥聞陳秀才近合至寶丹專治此疾速往求之比得藥已不效灌之不效復見公公曰賀喜但爾不作婦翁耳及歸女子已蘇後出家為女冠

有錢臻者暴卒心微溫家人不忍殮五日而蘇自云初為人迫至一官府有據按治事者今往如阜縣東監治道路既畢吏白尚有一路欲就令此人監治官曰臻神公會下人可令速歸却追臻瑋許臻監治臻既蘇許臻方自外歸忽頭痛是夕暴卒

殿直楊公位赴天台監酒來見公公書重午二字後五十五歲卒自殯至葬又五十五日僧法勝初來見公求出家公曰汝作觀音菩薩不得且作地藏菩薩後往寺中出家試經中落髮蓋觀音乃頂冠地藏則獨示頂相爾黃祀未有子求字公書元台平育四字作元月于云如此書竟無子蓋胎育不全耳又嘗以堂妹病問公公云汝妹不安吾將奈何數日而亡

程平病其妻問公公曰較也較也比歸平已平方悟其言乃窖藏之窖爾浙人孟軫善執筆欲改業圖仕遠見公公書質心依舊格五字軫悟以舊術遊都城其術盛行

卡德往泗上燒香已及境忽失道西行里餘見枯骨無數似非人行處有老父呼曰不是路也可從此來遂得官道既歸見公公云汝等燒香也錯了路

常州洞靈觀道士陳宗式紹聖中書姓名見

公求字公無語止於宗字上加一山字再三問之公曰只是如此也宗式既迴中道聞洞靈關人邑人乞於縣宰以宗式焚修及得帖乃名崇式宗式曰名誤也吏曰以邑令所諱故改之爾

王少卿碩甫紹聖間守鄱陽遣人求字得壽字闕其口行次金陵改除壽州赴官日得長兄之訃乃應關口

呂大御直甫為漕日見公公書壽字已而除知宿州改明州又改饒州自謂三守土也在

饒時一日自外歸仰視州額方悟壽字呂又嘗挈家將歸龍舒別公公云彼有井否云居

有數井云云井多即好至舒州遭回祿吳徽紹聖甲戌求字得三三開字時吳未仕而素有符籙之志丙子歲侍其父官於江淮

於延昌觀麻姑山王法師處授天心正法王曰吾適悟公所得字乃經中有上聞三十二天心拜三十二過閉目靜思之語公於此三句中隱天心秘三字謂天心秘法也閉則秘也

元符中蔡承讓似為六合簿丁女憂見公公問甚處居云儀真公曰可來此居且教化我箇病孩兒似次年遂携家來其長子幼患足不能行捨與公為侍者公以善仁名之踰年遂能行後四年侍公赴闕為道士

蔡妻張氏見公公書道言正月長齋魂神澄正萬氣長存不經苦惱身有光明凡二十二字惟惱字作恍書不數日舉家病遣人問公公以林檎十數枚李子一枚授來人云每人與林檎一箇惟二娘子與李子遂食之凡食

林檎者皆安惟食李者亡

蔡嘗以張氏病求呪水飲之而愈因施金帛公不受云要汝作大緣事在再叩之曰且得至崇寧中挈家來謁公引至度人經畫壁觀變相又書身經太陰四字後數日似感疾問

公公曰作福則無害時方重建玉皇閣遂許化萬人緣造玉皇及三十二天像似既安遂歸錢塘募緣彫木像及侍從供器花果之類來施後享壽十七年

蔡壻田佑以母病見公書山川林木其母亡元符已卯全彥博赴秋試榜未出前三日公遣道童周希元至其家曰神公令來報捷問來時更有何語希元曰公語我時惟立大指榜出以魁選

成都謝公舉元符間作商至真州諸物皆貨盡惟餘數獨木舟貨未得見一老人云何不往海陵謝詢之則鹽場所用也遂至海陵市之及見公乃所見老人也

泰興宰吳嘉成見公公即隱去嘉成退而登三清殿公出呼從者曰爾官人何故不行吏云未辭州行未得公曰今日行不得明日更行不得也翌日忽得軟足疾

大卿齊湛見公公問年幾何湛曰六十五公曰更五年即七十矣至七十而卒忠節將校濮真中風不能行乘卧轎見公且

策杖令數婦人掖至堂上公一見大怒云養兵十日爾病如此將何用以杖擊退扶掖者又以杖擊真真走避不覺奔杖遂行如故淮東張幹楚執規見公公遽曰尊文朝議已得利州差遣也已而見報除利州路提刑

葛光感疾未汗令人析於公公書帝元育齋四字與之經有帝元育齋京之語先即詣觀修齋翊日中汗而愈

先未有子問公公監生大神像壞光欲改塑不知儀容如何公曰作後生端嚴相光受教

次年得子如所塑狀後又得二子皆端嚴祝昭秀憂居鉛山邑宰請主學因人至海陵求字公書二十四二十四凡六字與之學之生徒適二十四人後增三數人頗疑不驗已而有去者率不過二十四人特未晚疊書之意鄉老云前此一官人持服來此主學亦未嘗過二十四人

有董慶者元符間自謀於天慶出家為衆淋瀝未能勇決一日見公公方飯即握其手携飯盃直抵瀨舍公自取箸百十枚汲水以濯

且濯且飯慶感悟乃作禮曰願躬此役自此留觀中終始不懈

元符三年冬有街坊道士自淮西歸忽發狂大寒中單衣持箒語言異常或呻吟如被拷掠自言所造愆惡又持箒篋至公堂上以其所藏物列布座前叩頭祈哀公以拳擊其心

數下忽仆地流汗如雨始醒

金壇崇真觀道士明素大師史懷勝嘗與一李道士同事神公為街坊李嘗匿錢於履中以誣公懷勝曰不可既同見公公發其隱由

是公有點化懷勝之意公羽化後懷勝居崇真觀能預言人休咎甚驗作詩頌甚敏紹興丁卯年八十七而終歲餘有趙德明在常州

遇之如平生後乃知其卒已久矣

元符中哲廟以聖嗣未立遣中使齋香問公公書吉人二字以對中使私謂吉字十一口也已而徹廟即位蓋析御名也

王謔元符三年赴南宮試其妻見公公曰且喜王峴一子了當是年登第

王待制古為運使日見公公書行字笑曰此

字內好使箇魚字但恐未得他底其後知衡州又嘗得五年字移帥廣東

呂金部知卿元符初自維揚來見公公一見杜門不出呂連日作齋醮至第七會公忽出云謝金部作緣事可速歸來早到家即賀喜

呂以郡官留食次日晚行至揚州則其家正罹回祿救之不及

和州朱霽澤民元符初問科舉公不答再叩之公公秀才自寫得不須討字固問之公笑曰交休不肯休直待雨淋頭後霍仁仲榜登科

澤民嘗携呂真人等三畫像見公初展呂公像問曾來否云曾來問如何待之云以山東客待之展蔣仙姑像問之亦曰曾來但差肥耳如何待之云以庸婦待之展申先生像問之如前公云曾來以常人待之三人孰優云呂公且得

楚州鹽城時稟元符中見公公云爾速歸九月間有道者來爾善待之仍須布施襄歸至九月中旬夜燒香聞戶外有人乃群盜也襄

悟開戶迎之列酒肴羅金帛遺之家人悉免驚怖

襄得公呪水二瓶公指示曰此一瓶與家人時時飲之此一瓶候村中疫疾時施之襄如公言留其一凡三年封緘如故忽大疫襄取水施疫者新香異常飲者皆愈水盡瓶中有鼠骨一副其白如雪不知所從來也

元符三年秋道士許若谷徐若虛等數人從公行殿廡間公忽謂許曰爾不可歷徐師許皇恐而避時許為道監徐在眾列至政和間徐被命為右街都監而許為道正宣和初許授金壇郎而徐除凝神殿授經簽書左街道錄院事再遷凝神殿校籍

蔡相元符末落端明龍圖學士提舉洞霄宮來見公方至觀門公即出迎蔡求字公書齊到帝前而帝字直下一畫分二脚又嘗遣人語之曰東西二府樞密相公至崇寧初與元度俱被召已而拜相而元度除樞密又嘗得三十二天字後除丞旨遷左轄拜右相皆十二日也

元度嘗得仙道貴生字又嘗得昭相字又得慶相字後拜昭慶軍節度使開府

御史中丞安惇初有長沙之命來見公公但問諸俸幾何安不曉公徐言曰不到長沙未幾果召還又嘗露叩所疑公曰速往見蔡家兄弟時二公方去朝廷疑為戲語俄二公召還長二府安亦繼召為執政

道士徐希純黃若厚元符中未披度公一日各以令紙指而與之開視各得陳字崇寧改元郡守陳了翁訪公詢左右有何久待公者主首以徐黃二人對陳曰此觀興修皆神公之力二弟子何不與披度遂令常住進納披戴

葆光法師全若水元符間為天慶觀道籙風有符籙之心公常以法師呼之乙酉歲問公欲退道籙職公曰好法師全過潛山以符水救人監司以名聞後趨闕賜號葆光法師蔡相嘗携家見公公指徐夫人曰夫人倒地也扶起夫人衆不曉至錢塘徐以疾不起又嘗得軍字除鄆州得坤字除成都得址字除

內翰成都坤維之地內翰北門學士也

元符三年上元張燈前二日公以杖盡擊毀之數日哲廟遺詔至

建州舉子朱劉二人赴南官公各書一吉字與之比至都下朱以疾卒劉登第蓋劉所得

從士下口朱所得者從土下口而墨色晦姑蘇舉子吳經赴省試公書云七十三遠放榜第七十三名

虛靜沖和先生徐神翁語錄卷下終